

GAZKONDENSAT YONILG'I

Gazkondensat yonilg'i – bu tabiiy holda (yer ostida) 150 °C haroratda 4,9...9,8 MPa bosim ostida gazsimon holatda bo'lgan, yengil qaynaydigan neft uglevodorodlarining tabiiy aralashmasidir. Soviganda va bosim atmosfera bosimigacha kamayganda (yer ustidagi sharoitda) aralashma suyuq (kondensat) va gazlarga ajraladi.

Gazkondensat yonilg'isining detonatsiyaga chidamliligi past, shu bois asosan keng fraksiyali gazkondensat yonilg'isi, qishki GShZ (газоконденсатное широкофракционное топливо зимнее) va keng fraksiyali gazkondensat yonilg'isi, yozgi GShL (газоконденсатное широкофракционное топливо летнее) markalari *dizel yonilg'ilarini* ishlab chiqarishda qo'llaniladi.

GShZ – gazkondensatli keng fraksiyali yonilg'i; uni Shimolda gazkondensatini to'g'ri haydab yoki gaz kondensatining dizel fraksiyalarini dizel yonilg'isi bilan aralashtirib olinadi, atrof-muhit harorati –35 °C va undan yuqori bo'lganda undan foydalaniladi.

GShL – O'rta Osiyoda gazkondensati to'g'ri haydab yoki gazkondensatining dizel fraksiyalarini tovar dizel yonilg'ilari bilan aralashtirish yo'li bilan olinadi, atrof-muhit harorati –5 °C dan yuqori bo'lganda foydalaniladi.